

不逾年間滄江貫折度五神足霞裙森列方有綸緒閉閭洽悅  
胡爲雲鶴掩歸帝闕溪山失翠猿鳥悽切散詞玉祠柏子香爇  
追慕替詞使人哽咽

虛靜先生贊

七返還丹阿誰無先生歸去誰識渠時人要見真虛靖北斗西  
邊一點如

塑朱文公遺像

天地棺日月葬夫子何之梁木壞太山頽哲人萎矣兩楹之夢  
既往一唯之妙不傳竹簡生塵杏壇已草嗟文公七十一襖玉  
潔水清空武夷三十六峰猿啼鶴唳管弦之聲猶在耳藻火之  
道藏輯要

白真人集

五

婁集五

像賴何人仰之彌高鑽之彌堅聽之不聞視之不見恍兮有象  
未喪斯文惟正心誠意者知欲存神索至者說

讚文公遺像

皇極墜地公歸於天武夷松竹落日鳴蟬

高祖聖師天台紫陽真人贊

姓張諱伯端字平叔一名用成

元豐一皂吏三番遭配隸空餘悟真篇帶些鉛汞氣

曾祖聖師真一還源真人贊

姓石諱泰字得之

杏林驛雪之夕老師張弟子石凜凜清風生八極那些兒消一

滴

師祖雞足紫賢真人

讚俗姓薛諱式字道原一名道光

禿頭儉相做盡模樣張平叔若不再來石得之不成信向你卽是道光和尚

先師翠虛泥丸真人贊

姓陳諱楠字南木

惠州是生緣嘉州是得遇漳州走落水潭州沒去處

先生自贊

千古蓬頭跣足一生服氣餐霞笑指武夷山下白雲深處吾家

李伯陽贊

道是太乙元君又是河上丈人渺渺太清之境巍然道德之身

冲虛侍宸王文卿像贊

醉持鐵尺叫風雷玉帝綸言召雨回到得人間無鬼域依然長

道藏輯要

白真人集

卷五

婁集五

嘯八西臺

天師侍晨追封妙濟真人林靈素像贊

大宋天師林侍晨飛罡躡紀召風霆四十五年人事足中秋歸

去月三更

許旌陽贊

魯傳謀母煉丹訣夜夜西山採明月壺裏滿盛烏兔精劍尖尚

帶蛟龍血一自旌陽縣歸來拔宅騰空入金闕但留伴道八百

年未教他喫東華雪

黃風子贊

先生不狂是詩狂先生不顛是酒顛顛顛狂狂人不識歸去青